

**Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersup allanngortinnissaa pillugu Inatsisartut inatsisaat nr. 15, 3. juni 2015 (Inatsisip atuuffigisaa sukisaarsaatigalugu aalisarnermut akuersissutitut sumiiffikkaanullu pilersaarutitut piginnaatitsissummik ilaqartilerlugu annertusissaaq)**

## § 1

Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaanni nr. 19, 3. december 2012-imeersumi makkuninnga allannguuteqartoqassaaq:

1. Qulequtaa imatut oqaasertalerneqassaaq:

” **Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersoq**”.

2. § 1 imatut oqaasertalerneqassaaq:

” § 1. Inatsisartut inatsisaat atuuppoq takornariartitsinermit sulianut akuersissutitut, pisinnaatitsissummik pigisaqartunut, ingerlatsisunut, takornariartitsinermit sulianut akuersissutini ilaasutut sulianut, takornarianut tunisassianut, takornarianut aamma takornarianik suliaqartitsinermit.

Imm. 2. Inatsisartut inatsisaatigut malittarisassiunneqarpoq akuersissutitut kuummut aalajangersimasumut tunngatillugu tunniussisarneq imaluunniit Kalaallit Nunaanni imartamut killilikkamut akuersissuteqartarneq, sukisaarsaatigalugu qissattaammik eqalunniartarnermut (Salvelinus alpinus) atatillugu.”

3. § 7 imatut oqaasertalerneqassaaq:

” § 7. Naalackersuisut sumiiffimmut erseqqinnerusumik killilersukkamut, aamma erseqqinnerusumik atugassaqartitsilluni takornariartitsinermit neqeroorummik imaluunniit neqeroorutitut arlaqartunut ingerlatsinissamut akuersissuteqarsinnaapput, § 6, imm. 1 (takornariartitsinermit suliaqarnermut akuersissut) naapertorlugu. Takornariartitsinermit suliaqarnermut akuersissut kisermaassisussaaffittut nalunaarutigineqassaaq.

Imm. 2. Naalackersuisut akuersissuteqartarnermit malittarisassanik ersarinnerusunik imm. 1 naapertorlugu aalajangersaasinnaapput.”

4. § 8 imatut oqaasertalerneqassaaq:

” § 8. Takornariartitsisarnissamut akuersissut §7 naapertorlugu tunniunneqartoq immikkoortuni 2-miit 4-mut pineqartut naapertorlugit nalunaarutigineqassaaq.

Imm. 2. Akuersissut tunniunneqarsinnaavoq nalinginnaasumik tamanut nalunaaruteqarnikkut qinnuteqarnissamut periarfissasaqartitsereernikkut (neqeroortitsineq). Naalackersuisut qinnuteqartoqarsinnaaneranut nalunaarummik tamanut takusassiissapput Naalackersuisut

nittartagaatigut tusagassiuutitsigullu minnerpaamik qinnuteqarnissamut killiliussaq ullunik 45-nik sioqqullugu. Neqeroortitsisinaanermut tunngaviussaaq nunaminertanik atuisinnaanermut pilersaarusiortarnermi oqartussaasut nunaminertap pineqartup takornariartitsinermut atorneqarsinnaaneranik pilersaarusiorsimanerat, kiisalu ingerlatat suut akuersissummut ilaatinneqassanersut aalajangersarneqarsimanerat.

Imm. 3. Naalakkersuisut nunap immikkoortuanut pilersaarummi sumiiffiit takornariartitsinermik suliaqarnermut atorneqarsinnaasut aalajangersaavigisinnaavaat, kiisalu akuersissutip suliniutinik qanoq ittunik imaqarnissaa aalajangersaavigisinnaallugu.

Imm. 4. Sumiiffimmut akuersissuteqarnissamik qinnuteqaat nassiunneqarsimappat pilersaarusiornermut oqartussaasut pineqartut imaluunniit Naalakkersuisut nunaminertanik atuisinnaanermut pilersaarusiami nunaminertap takornariartitsinermut atorneqarsinnaaneranik pilersaarusiorfigisimanngisaanut tunngasuuppat, Naalakkersuisullu isumaqarpata qinnuteqaat suliarineqartariaqartoq, Naalakkersuisut qinnuteqaat pilersaarusiornermut oqartussanut ingerlatseqqissavaat, apeqqutigalugu pilersaarusiornermut oqartussat nunaminertamik qinnutigineqartumik takornariartitsinermik suliaqarnermut atuisinnaatitsiniarnersut. Pilersaarusiornermut oqartussap sumiiffik qinnuteqarfigineqartoq tamakkiisumik ilaannakortumilluunniit takornariartitsinermi ingerlataqarnermut atorneqarsinnaasunngortinniarpagu Naalakkersuisut immikkut tamanut tusarniaanikkut akuersissuteqartoqarsinnaaneranut qinnuteqartoqarsinnaaneranik nalunaaruteqarsinnaapput.”

Imm. 5. Naalakkersuisut periaatsit immikkoortuni 2-miit 4-mut pineqartuni aalajangersakkat naapertorlugit qinnuteqaateqartunut akuersissuteqartoqannginnissaa qinersinnaavaat.

## § 2

Inatsisartut inatsisaat atortuulissaaq ulloq 1. juli 2015.

Imm. 2. Tamanna ilutigalugu Sukisaarsaatigalugu aalisartunik aalisartitsinermut akuersissuteqartarnek pillugu Inatsisartut inatsisaat nr. 20, 22. november 2011-meersoq atorunnaassaaq.

Namminersorlutik Oqartussat, ulloq 3. juni 2015

Kim Kielsen